

ممنوع الإنتظار

وانتالالا خارج بره قلبي
خلّي جواك اعتبار
إن ياما م البيبان دي
راحوا قبلك ناس كتار

اللي خاصم واللي خان
واللي باعد واللي هان
واللي باع عشرة زمان
واللي صنته ف عز ليله
فيا فَرَطْ بالنهار

وانتالالا خارج برة قلبي

تلقى ناس أماكنها فاضية
كل حنة ف قلبي أخذت
من وجودهم ضربة قاضية
ناس قلوبها ما تبقى راضية
غير تشوفني ف الدمار

وانتا خارج برة قلبي
سيب وراك كل البيبان
مفتوحين على حد ثاني
سيب لغيرك فيه مكان
واعرف انك وانت ماشي
تبقى ساقط في اختبار

وانتا خارج برة قلبي

بص شوف كل الأماكن
يعني حاول بس تعرف
مين ف قلبي ولسة ساكن
ناس عددها بسيط ولكن
بيها قلبي ملان عمار

وانتا خارج برة قلبي
امشي ما تبصش وراك
انتا باعد عنه يعني
قلبي مش فارق معاك
بس لازم تعرف اني
برضه فيك واخذ قرار

وانتا خارج برة قلبي
تلقى لوحة ع الجدار
فيها مكتوب كلمة واضحة
إنه "ممنوع الانتظار"